

Na osnovu čl.53. Zakona o predškolskom odgoju i obrazovanju (Sl. novine TK prečišćen tekst br.10/20 i 05/22) i čl. 60. Pravila JU „Dječije obdanište“ Banovići br. 445/19 od 13.05.2019. god., Pravilnika o prijemu uposlenika br.896/23 od 22.09.2023. god. i Odluke o raspisivanju Javnog konkursa br: 916/2023 od 26.09.2023. god., Upravni odbor na sjednici održanoj dana 26.09.2023. god. raspisuje:

### **Javni konkurs za prijem u radni odnos**

**Odgajatelj, puno radno vrijeme, na određeno vrijeme, najduže do 30.06.2024. godine -  
1 izvršilac .**

#### **Uslovi konkursa koji kandidati moraju ispunjavati:**

Opći uslovi :

- da je državljanin BiH;
- da je stariji od 18 godina;
- da je zdravstveno sposoban za vršenje poslova navedenog radnog mjesta;
- da se protiv kandidata ne vodi krivični postupak i da nije pravosnažno osuđen za kazneno djelo koje ga čini nedostojnim za obavljanje radnih zadataka.

Opis poslova za navedena radna mjesta je propisan Pravilnikom o radu JU „Dječije obdanište“ Banovići.

-Kratak opis poslova : Izvođenje odgojno obrazovnog rada sa djecom predškolskog uzrasta Planiranje, organizovanje i osmišljavanje aktivnosti koje potiču razvoj tjelesnih, duševnih i društvenih vještina djeteta,osiguravanje uslova za njegu, odgoj, obrazovanje i zaštitu djece,zadovoljavanje primarnih potreba za kretanjem, igrom i snom.

#### **Posebni uslovi :**

Stručna sprema: VSS/VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema koji se vrednuje sa najmanje 180 ECTS, filozofski fakultet smjer Predškolski odgoj ili u nedostatku navedenog kadra lice sa završenom razrednom nastavom uz položenu modularnu obuku Pedagoškog zavoda TK.

Radno iskustvo: 8 mjeseci

Položen stručni ispit

**Kandidati su dužni priložiti slijedeću dokumentaciju u orginalu ili ovjerenoj kopiju ne stariju od 6 mjeseci:**

- Uredno popunjen i potpisan prijavni obrazac koji je moguće preuzeti u prostorijama ustanove.
- Izvod iz matične knjige rođenih;
- Uvjerenje o državljanstvu ne starije od šest mjeseci
- Diplom o stručnoj spreml ( Kandidat koji je visoko obrazovanje stekao po Bolonjskom sistemu studiranja uz diplomu dostavlja i dodatak diplomi ili uvjerenje da dodatak diplomi nije uopšte izdat, niti za jednog diplomca );
- Uvjerenje o položenom stručnom ispitu;
- Uvjerenje (potvrda) o radnom iskustvu od strane poslodavca ( koja moraju biti precizna i detaljna ) ili nadležne porezne uprave ili institucije za penzijsko - inval. osiguranje u kojem će šifre zanimanja biti razjašnjene;
- Dokaz o položenoj modularnoj obuci Pedagoškog zavoda TK ( razredna nastava );
- Uvjerenje o višem stručnom zvanju ( ukoliko kandidat podsjeduje );

Pravo na bodovanje po osnovu pripadnosti neke od kategorija branitelja ostvaruje kandidat koji pored objavljene dokumentacije dostavi i:

- Dokaz o pripadnosti kategoriji branitelja ili člana porodici branitelja;
- Potvrda/uvjerenje o nezaposlenosti od nadležne Službe (u vrijeme raspisivanja konkursa);

- Ovjerena izjava da mu radni odnos nije prešao njegovom krivicom da po prestanku radnog odnosa nije ostvario pravo na otpremninu odnosno da nije korisnik prava na porodičnu penziju;

Kandidati koji po nekom drugom posebnom zakonu imaju prioritet u zapošljavanju uz prijavu trebaju dostaviti i odgovarajuću dokumentaciju kojom se to dokazuje, te se pozvati na poseban zakon po kojem imaju prednost.

Proces izbora kandidata za prijem u radni odnos zasniva se na pismenom i usmenom dijelu ispita, iz oblasti profila traženog konkursom.

Bodovanje se vrši u skladu sa Pravilnikom o prijemu uposlenika u radni odnos.

Komisija će o vremenu i mjestu održavanja pismenog dijela ispita obavjestiti kandidate putem pisane obavijesti koja će biti dostavljena na adresu kandidata, ( kao i na e-mail ) i to najmanje pet dana prije održavanja ispita. O daljem procesu izbora kandidati se mogu obavjestiti usmeno putem telefona ili e-maila. O odluci o prijemu u radni odnos kandidat će se obavjestiti putem pisane obavijesti.

Ljekarsko uvjerenje o zdravstvenoj sposobnosti ( ne starije od 6 mjeseci ) i uvjerenje da se protiv kandidata ne vodi krivični postupak i da nije pravosnažno osuđen za krivično djelo koje ga čini nedostojnim za obavljanje radnih zadataka ( ne strije od 6 mjeseci), izabrani kandidati su dužni dostaviti u roku od 8 dana nakon prijema na radno mjesto.

#### **Rok trajanja konkursa i način podnošenja prijava**


Konkurs ostaje otvoren 8 (osam) dana od dana njegove posljednje objave.

Prijave sa traženom dokumentacijom dostaviti lično ili putem pošte (preporučeno) u zatvorenoj koverti za naznakom „ZA KONKURS“ na adresu JU „Dječije obdanište“ Banovići, ul. Patriotske lige br.1, 75290 Banovići.

Nepotpune, neblagovremene i neuredne prijave neće se razmatrati.

Broj: 01-916-1/23

Datum: 26.09.2023. godina



PREDSJEDNIK UPRAVNOG  
ODBORA :

*Aida Mešić*  
Mešić Aida, dipl. Pravnik